

**8.**

Na osnovu člana 8. stav (3) alineja 11. i člana 13. stav (2) alineja 18. Zakona o principima lokalne samouprave u Federaciji BiH („Službene novine F BiH“, broj: 49/06 i 51/09), člana 13. stav (4) Zakona o cestama FBiH („Službene novine F BiH“. Broj: 12/10, 16/10 i 66/13), člana 6. i 8. stav (1) tačke a) u vezi sa članom 3. tačkom 8. Zakona o komunalnim djelatnostima („Službene novine Tuzlanskog kantona“, broj:11/21 – prečišćen tekst i 7/25) i člana 21. tačka 2. Statuta Grada Gradačac („Službeni glasnik Grada Gradačac“, broj 10/22), na prijedlog Gradonačelnika Grada Gradačac, Gradsko vijeće Gradačac na 11. redovnoj sjednici održanoj dana - 27.11.2025. godine donosi

**PROGRAM****o dopuni Programa izrade i održavanja horizontalne i vertikalne signalizacije na području grada Gradačac za 2025. godinu**

U Programu izrade i održavanja horizontalne i vertikalne signalizacije na području grada Gradačac za 2025. godinu („Službeni glasnik Grada Gradačac“, broj 2/25), u naslovu „Usporivači motornih vozila“, nakon posljednje rečenice, dodaje se rečenica:

„Do kraja 2025. godine potrebno je izvršiti farbanje usporivača kretanja u dužini od 160 m2.

U Programu izrade i održavanja horizontalne i vertikalne signalizacije na području grada Gradačac za 2025. godinu, u dijelu „Zona saobraćaja u mirovanju (parkirališta)“, nakon posljednje rečenice dodaje se rečenica:

Do kraja 2025. godine potrebno je izvršiti izradu, odnosno farbanje 159 parking mjesta bojom za puteve.“

U Programu izrade i održavanja horizontalne i vertikalne signalizacije na području grada Gradačac za 2025. godinu, u dijelu „Vertikalna signalizacija“, nakon posljednje rečenice dodaje se rečenica:

„Do kraja 2025. godine potrebno je izvršiti postavljanje slijedeće vertikalne signalizacije: dva saobraćajna znaka 60x60 odgovarajućeg simbola, dva saobraćajna znaka kružnog presjeka CD 60 odgovarajućeg simbola, dva saobraćajna znaka istostraničnog trougla odgovarajućeg simbola čija je dužina jedne stranice 60 cm, dva saobraćajna znaka stop, jednu dopunsku tablu 60x30, jedan saobraćajni znak „naseljenog mjesta“, dvadeset i četiri stuba 2' sa anker pločom ili ankerom za montažu u betonski temelj, montaža osam stubova u betonski temelj i dvadeset šelni za saobraćajni znak.“

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-476/25  
Datum: 27.11.2025.god.  
G r a d a č a c**

**PREDSJEDAVAJUĆI  
GRADSKOG VIJEĆA  
Nedžad Šečić,s.r.**

**8-1.**

Na osnovu člana 8. stav (3) alineja 11. i člana 13. stav (2) alineja 18. Zakona o principima lokalne samouprave u Federaciji BiH („Službene novine F BiH“, broj: 49/06 i 51/09), člana 13. stav (4) Zakona o cestama F BiH („Službene novine F BiH“. Broj: 12/10, 16/10 i 66/13), člana 6. i 8. stav (1) tačka a) u vezi sa članom 3. tačka 8. Zakona o komunalnim djelatnostima („Službene novine Tuzlanskog kantona“, broj:11/21 – prečišćen tekst i 7/25) i člana 21. tačke 2. Statuta Grada Gradačac („Službeni glasnik Grada Gradačac“, broj 10/22), na prijedlog Gradonačelnika Grada Gradačac, Gradsko vijeće Gradačac na 11. redovnoj sjednici održanoj dana - 27.11.2025. godine donosi

**ODLUKU****Član 1.**

Gradsko vijeće daje saglasnost na Cjenovnik J.P. „PARKINZI“ d.o.o. Gradačac po Programu o dopuni Programa izrade i održavanja horizontalne i vertikalne signalizacije na području grada Gradačac za 2025. godine broj: 01-04-476/25 od 27.11.2025. godine.

**Član 2.**

Cjenovnik po Programu o dopuni Programa izrade i održavanja horizontalne i vertikalne signalizacije na području grada Gradačac za 2025. godine broj: 01-04-476/25 od 27.11.2025. godine je sastavni dio ove Odluke.

**Član 3.**

Nakon stupanja na snagu ove Odluke, Grad Gradačac će zaključiti Ugovor o dopuni Ugovora o obavljanju komunalnih usluga – izrada i održavanja horizontalne i vertikalne signalizacije na području grada Gradačac za 2025. godinu, sa J.P. „PARKINZI“ d.o.o. Gradačac.

**Član 4.**

Ova Odluka stupa na snagu osmog dana od dana objavljivanja u „Službenom glasniku Grada Gradačac“.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-476-1/25  
Datum: 27.11.2025.god.  
G r a d a č a c**

**PREDSJEDAVAJUĆI  
GRADSKOG VIJEĆA  
Nedžad Šečić,s.r.**